

Medjureligijsko vijeće će pomoći pri izradi nastavnog plana za novi školski predmet

Visi zamjenik visokog predstavnika, Matthias Sonn, pozdravlja rezultate sastanka koji je održao jučer sa Medjureligijskim vijećem, na kome je razgovarano o uvođenju predmeta “kultura religija” kako se ovaj predmet trenutno naziva u školske nastavne planove i programe u Bosni i Hercegovini.

Cetvorica vjerskih vodja reisu-l-ulema Mustafa ef. Ceric, mitropolit Nikolaj, kardinal Vinko Puljić i Jakob Finci, predsjednik Jevrejske zajednice u BiH potvrdili su važnost ovog pitanja i izrazili želju da daju sopstveni doprinos u smislu sadržaja koji bi se predavao u okviru ovog predmeta. Oni će imenovati po jednog stručnjaka iz oblasti obrazovanja, da proslijedi njihove ideje i prijedloge do Ureda visokog predstavnika, koji će vršiti dalju koordinaciju. Ambasador Sonn izjavio je da će međunarodna zajednica u procesu izrade vršiti konsultacije sa vjerskim zajednicama.

OHR smatra da je spremnost vjerskih zajednica da daju svoj doprinos za predmet “kultura religija” važan korak naprijed u definiranju sadržaja ovog predmeta i izrade nastavnih planova i programa u Bosni i Hercegovini sa jedinstvenim i zajedničkim elementima. Time će se unaprijediti razumijevanje i poštovanje između konstitutivnih naroda i promovirati tolerancija, bez ikakvog uplitanja u vjeronauku u školama u kojima se ona podučava.

Ambasador Sonn i vjerske vodje su se složili da brzo pristupe definiranju ovog predmeta. Odmah nakon toga, uz tijesne konsultacije sa svim zainteresovanim stranama, uključujući i Medjureligijsko vijeće, donijet će se odluke o tačnom sadržaju ovog predmeta, kao i o svim detaljima implementacije.

Uvodjenje predmeta "kultura religija" u nastavne planove i programe je predvidjeno Sporazumom o obrazovanju od 10. maja 2000. godine, koji su potpisali entitetski ministri obrazovanja, a kasnije prihvatili i kantonalni ministri obrazovanja. Nije namjera da ovaj predmet bude zamjena za vjeronauku tamo gdje se ona poducava, nego je cilj da se pruze objektivne, nediskriminatorne informacije svim ucenicima o cetiri osnovne religije koje se propovijedaju u BiH, kao i tradicijama istih.